

GERARDI LOPPERSII  
FRISII CATHOLICI  
ANTAGONISTAE

MI MI  
SENTENTIAE ILL. AC REV.

CARD. BARONII

IN SACRO CONSISTORIO

DICTAE PROPUGNATIO,

ADVERSUS IOANNEM MARSILIVM

NEAPOLITANVM.



ROMAE, Ex Officina Lepidi Facij. M. D C. VII.

EX APOSTOLICAE SEDIS Auctoritate

**Q**VONIAM disputationem Marsilij aduersus Illustris-  
 simi Cardinalis Baronij sententiam refellentes, in cō-  
 plures partes & membra secare eam necesse habuimus :  
 ne sit, quod vel Lector desiderare, vel Marsilius ipse de fide  
 nostra conqueri possit, tamquam vim verbis eius, siue mu-  
 tilando, seu intersecando attulerimus : integrum ipsius  
 VOTVM, quod appellat, ἀπολογεῖς, & totidem verbis  
 calci propugnationis nostræ, graue scilicet & cum primis  
 illustre Marsilianæ insipientiæ exemplar & specimen, at-  
 texendum curauimus.



Imprimatur si placet R. P. Magistro Sac. Palatij Apostolici,  
 B. Episcopus Arim. Viceg.

Imprimatur, Fr. Paulus de Francis Magister, & Socius R. P. Magistri Sac.  
 Pal. Apostolici

3

GERARDI LOPPERSII  
FRISII CATHOLICI  
ANTAGONISTAE

MI MI  
SENTENTIAE ILL. AC REV.

CARDINALIS BARONII  
IN SACRO CONSISTORIO  
DICTAE PROPUGNATIO,

*Aduersus Ioannem Marsilium  
Neapolitanum.*



LLATVS est his ferme diebus Romam libellus tamquam portentum, hac inscriptione notatus: *Duo Vota, hoc est ex animo Voto prolata sententia, Vnum Illustrissimi ac Reuerendissimi Domini Caesaris Baronij Sorani S.R.E. Cardinalis Bibliothecarij contra Serenissimam Rempublicam Venetam: Alterum excellentissimi Domini Ioannis Marsilij Neapolitani Theologi pro eadem Serenissima Republica.* ] Cuius aspectu obstupuerunt, qui viderunt, tantam homini inesse cum temeritate dicacitatem, ut dictam in supremo orbis terrarum Senatu, sacroq. ipso Consistorio, laudatam, & cunctorum plausu acceptam sententiam, ausus sit pro animi libidine carpere, idemque ipse, qui plurimorum auctorum orthodoxorum magni nominis scriptis non solum schismaticus, sed & hæreticus est conuictus, assertus, & comprobatus; quorum causa & meruit infelix excommunicatione ab Apostolica sancta Sede percelli. Riferunt vero, cum, quod terribile visu videri poterat apparuisse monstrum: compertus sit idem mus esse ridiculus, cui festiue omnes illuderent, exercentes primum detitulo recitato ludibrium; & ita dicentes: *Quidnam istud? Duo Vota, hoc est ex animo Voto prolata sententia* ] in te illud Iob dictum in

Iob 38.

Elu mox intorquerent: Quis est iste inuoluens sententias sermonibus imperdis? qui se non Latinum, sed Barbarum primis verbis offendit, Vota nominans, quæ dici solent in Senatu sententiæ, & Votum (sic lepide ludens) pro vacuo ponens?

Quid ais Marfili? Tu ne ipse, qui Venetijs diceris docere Donatum, adeo te malum Grammaticum probas, ut sine his auspiciis barbarismis ne inscriptione quidem libelli tui, hoc est titulum ipsum concipere potueris? Quamobrem reuocaberis inuitus, velis, nolis, ad Orbiliij Beneuentani scuticam, ad risum omnium spectatum *καταυάδως* suspensus ad verbera, pro huiusmodi barbarismus & solœcismis, quibus scætet oratio ista tua. Et quidem iure: nam quantumlibet seuerissimus, rogatus mitior redditus, forte penitus istiusmodi dimississet errata, si tu licet male, non tamen mala scripsisses, similis illis, de quibus S. Augustinus <sup>b</sup> ait in Confessionibus; quod aliqua facta sua non mala, cum barbarismo tamen & solœcismo enuntiarent. Sed cum tu mala locutione facta adhuc mala, pessimaq. reddideris: duplo verberandus expositus, ex scutica miser ad flagella traheris.

<sup>b</sup> Aug. conf. lib. 1. c. 18.

<sup>a</sup> Idē ibid. c. 19.

<sup>d</sup> Prou. 26.

Ferulis namque (idem Augustinus <sup>c</sup> ait) maiora supplicia succedunt, ] irroganda tibi ob calumnias sparsas in ipsum, cui tu noxa teneris, astrictus, Baronium S. R. E. Presbyterum Cardinalem. Qui tamen admonitus sacro illo Salomonis prouerbio: <sup>d</sup> Ne respondeas stulto iuxta stultitiam suam, ne efficiaris ei similis, ] prudens se ab istiusmodi nomine suo indigna questione de te exercenda subduxit. Cum ego quod sequitur ab eodem Parœmiaste mox dictum arripiens, videlicet: Responde stulto iuxta stultitiam suam, ne sibi sapiens esse videatur, ] hanc suscepi respondendi provinciam, securus omnino, quod si forte non tibi de te ipso sublimia somnianti, alijs tamen te ostendam prorsus insipientem.

Sequar tua vestigia, qui primum tuæ ipsius scriptionis exordio insipientis hominis haud leuia signa dedisti, dum ex abrupto sic incipiens orationem: *Quod ad me misisti Votum, antea legeram* ] quem alloquaris, non dicis, quis ad te miserit, taces. Et cum constet, a Baronio, contra quem stylum conuertis, ad te non missam suam in Consistorio dictam sententiam: tu (dicam pace tua) more phrenetici loqui conuinceris, miscereq. verba cum laruis. sed & quod sequitur, certum te redditum, dictam sententiam illam in Consistorio esse Baronij, id affirmante ipso Baronio: euidentiori plane stultitiæ signo desipere nosceris. Certus quippe reddi minime potuisti, nisi ex testificatione ipsius, id sua subscriptione profitentis, vel alio modo

modo testantis. Sed cum neutrum prorsus fecerit: vel te mentitum dicent omnes, vel excusando saltem, inconsiderate locutum. Attamen Baronius, etsi quam dixit in Consistorio ex tempore, non præmeditatus, multo minus ex scripto sententiã recitauit, quod ad singula verba pertinet, haud facile asserere poterit, hæc illam esse: bona fide rem agens, recognouit sua sensa in hac abs te cula, ita tamen vt explicata totidem iisdemq. verbis non ita fateri debeat. Perdifficile namque est, vbi non erant notarij exceptores, ex memoria reddere singula, quæ in ea dicta sunt verba. In quam tu dicturus sententiam, prudenter egisses, si litteris istud ipsum ab eo sciscitatus esses, eamne ille pro sua & germana haberi pateretur, quam tu impugnare paratus esses: atque etiam, num aliqua ex parte laesa esset a librarijs describentibus, vel alijs infenso animo deprauantibus: cum præsertim nullus esse apud te noscatur diuinæ Scripturæ vsus atque sagax ingenium ad cognoscenda, si quæ in eam illapsa fortasse essent errata; neque ad eadem emendanda facultas. Sit in exemplum quæ ibi legitur lectio deprauata, his verbis posita ad finem ipsius: *Trutina hæc in manu tua, dicam cum Isaia.* ] Cum vero eiusmodi sententia nusquam apud Isaiam sit reperire: cur tu, tamquam si Isaiæ esset, lectionem admittis, ac vteris, & sic transilis oscitanter? Nega apud Isaiam quid huiusmodi reperiri, vel sapientius corrigere, reddeq. germanum textum eiusdem illic citati Isaiæ <sup>2</sup>dicentis: *Ruina hæc sub manu tua.* ] Sunt & alia quæ irrepperunt mendæ, abs te homine crassæ Mineruæ nec cognita, quæ inferius vbi eudetur ipsa, corrigentur, posita in margine sincera dictæ sententiæ lectione.

Quod autem ipso primo ingressu laboras, vt ostendas, locum illud Actorum <sup>b</sup>, vbi dictum est a Domino per visum Apostolo Petro: *Occide & manduca* ] intelligendum esse de Baptismo, non autem de excommunicatione, & ad hoc probandum sanctorum Patrum sententias coaceruas: plane inani labore consumeris, sic currens quasi in incertum; sic pugnans, quasi aerem verberans: cum omnes id certo sciant, nec sit vel vnus, qui inficias ire possit. sed quid? Num quæ secundum litteram, ipsam nempe historiam dicta esse constat de Baptismate Gentium: secundum allegoricam allusionem ad excommunicationem transferri non possunt, dum & ipsa excommunicatio re vera ad hoc occidat, vt saluet? Quis neget ista primum Domini nostri eodem modo loquentis exemplo licere, dum in re tanta, tantiq. momenti non nisi per allusionem, regenerationis sacramen-

cramentum, occisionem appellat? quod & simul sanctorum omnium Scriptorum ecclesiasticorum liquet exemplo concessum. De quo si eam quæras, quam decet, ad allusionem, similitudinem: sic habeto: Ab ipsa sancta Ecclesia, tum per Baptismum, tum per censuras certum est aditum patefieri ad salutem; nempe quod agitur per Baptismum, ut per quamdam spirituales occisionem vitam quis consequatur æternam; per excommunicationem id ipsum præstari. Iuxta quam allusionem sic pariter locutus inuenitur

<sup>a</sup> Jer. 12. <sup>b</sup> Osi. 6. <sup>c</sup> Matib. 21. <sup>d</sup> Aug. de Fid. & oper. c. 2. <sup>e</sup> Hieron. epist. 53. f Psal. 100.

Jeremias, cum ait<sup>a</sup>: Congrega eos quasi gregem ad victimam, & sanctifica eos in die occisionis. ] & Oseas: <sup>b</sup> Dolavi in Prophetis, occidi eos in verbis oris mei: ] ita nimirum ( quod ad allusionem pertinet ) occide, præcens eos ab Ecclesiæ corpore, in qua dum publice peccando culpa mortali pereunt impoenitentes, desperata salus eorum est: cum vero præcisi eiiciuntur, sic confusi quærant Ecclesiam poenitentes, ut assequantur per poenitentiam vitam æternam. Secundum quod S. Augustinus interpretatur, dicens: Occide in eis errorem, & suscita fidem. ] Vis adhuc, ut & in hac allusione proprietatem ostendam cum veritate; nimirum excommunicationem vere esse occisionem? In promptu est Evangelium, <sup>c</sup> Domini id exemplo demonstrans, quo maledicente ficulneæ, ipsa continuo est arefacta. Quod quidem typum gerere excommunicationis, communis est absque controuersia & recepta Patrum sententia. En quam patens in excommunicatione occisio, & oculis intuentibus manifesta.

Sed & quod hæc occisio spirituali gladio fiat; testem & assertorem habeo itidem ipsum S. Augustinum, <sup>d</sup> qui eandem excommunicationem gladium appellat, quo, ut olim Phinees transfodit adulteros, ita publice peccantes excommunicando occidat Episcopus. Vides quos testes habeam eius assertionis, quæ stulte admodum abs te, ista nesciente, corripitur? Vis & adhuc adhiberi Hieronymum? Lege ipsum in epistola ad Riparium <sup>e</sup> contra Vigilantium, ubi occisionem nominat excommunicationem, Davidicum illud usurpans: In matutino interficiebam omnes peccatores terræ, ut disperderem de ciuitate Domini omnes operantes iniquitatem. ] Secundum igitur hanc satis proprie deductam allusionem Baronium esse locutum, non autem interpretatum historicam veritatem, ex ijs, quæ subiiciuntur, recte colligere potuisti; ut nihil sit, quod in eum conuertere valeas spicula Concilij Triditani. Quod in primis factitatum post Dñm a sanctis Apostolis & Evangelistis, pluribus exemplis ostendit idem S. Hieronymus & in epistola ad Pam.

<sup>d</sup> Aug. de  
Fid. & oper.  
c. 2.

<sup>e</sup> Hieron.  
epist. 53.  
f Psal. 100.

<sup>g</sup> Hieron.  
epist. 102.



Pammachium de optimo genere interpretandi. Post hos vero, omnes sanctos Patres, tam Orientales, quā Occidentales, qui ab exordio nascentis Ecclesię in hunc diē claruerunt, adduci æque possunt in testimonium: adeo ut hoc iam negare, sit impiū. Lege tu inter Græcos (si sapias) Gregorium Nazianzenum, si vel periodum vnā absoluat, quæ non ex diuina Scriptura, vel etiam ex scriptoribus Ethnicis deducat allusionem. Lege inter Latinos S. Bernardū, qui suis scriptis semper diuinę Scripturę verba non interpretando, sed alludendo, tamquam in stamine aurea fila contexuit. Hoc tu reprehendes? Non quidem, vel si maxime velis, resistentibus & aduersantibus tibi omnibus.

Dum autem totus es in recitandis sanctorum Patrum sententijs: mutans sancti Augustini verba, plane reddidisti ipsum tuo barbarisimo similem tibi ridiculum, ponens vocem, lintheum, in genere masculino, quod neutrum esse constat. addis enim ex ipso: *Quos Domino lucramur, manducat Ecclesia, cuius personam gerebat Petrus, quando in calo submissus est lintheus.* ] cum tamen ipse Augustinus recte in genere neutro lintheum Latine posuerit. Erras autem grauius, dum rursus studio infano contendis, omnino Baronium locum illum esse male interpretatum. At hæc tu frustra; nam non interpretans, sed alludens tantummodo, id quod modo demonstrauimus, ipse locum attigit.

Redarguis paulo post etiam, quod Baronius aduersarios insequentes Ecclesiam leones nuncupauerit, quorum (ut vis) sint omnia laude dignissima ob insignem generositatem, qua præ ceteris animantibus eos natura donauit. Quæ plane tu stertendo locutus esse videris, nesciens quid diceres, dum te diuinę Scripturę ignarum penitus ostendis, cuius plurima loca pateant, quibus leo diabolus, leo tyrannus, & quilibet potens fortitudine hostis Ecclesię leo sæpe dictus inueniatur: licet ob diuersas causas etiam in bonam partem leonis nomen acceptum, facile sit inuenire. sed in his adeo patentibus non immorandum. Inferius vero quem citat Baronius Nicolaum Papam Primum: tu ipse nescio quo ductus sensu, & quæ auctoritate persuasus, eundem nominas Nicolaum Quintum, sed nec citatum ab eo opportune locum percipiens, habes ingenio ista subiicis: *Excommunicatio, inquit Baronius, est occisio: quia Nicolaus Quintus dicit, excommunicationem non esse ad occidendum, Venenum: non percipio illationem, nisi fallor contrarium inferitur. Nicolaus dicit, excommunicationem non esse ad occidendum, Venenum. ergo excommunicatio non est occisio. Quod si ita est, quomodo*

do dictum est Petro: occide, & manduca, id est excommunicationem inflige? ] ista tu. qui sensus stoliditate confundens, multipliciter erroris argueris. Primo quidem, dum quasi recitans verba Baronij, dictum ab ipso velis: *excommunicatio est occisio.* ] At nequaquam ista inuenire poteris esse scripta in recitata abs te superius eius in Confistorio dicta sententia. sed illud: Non est occisio ista crudelitas; sed pietas, atque sincera charitas: cum sic occidendo saluet, quod eo modo viuere sinendo perierat. ] Ad quod corroborandum citata sunt Nicolai Papæ verba, dicentis: quod excoicatio non est ad occidendum venenum, sed ad sanandum aptissimum medicamentum. ] Quæ cum suo candore fluant, suaque concinnitate cõcordent, tu peruertis tua imperitia, cõfundis obtusitate ingenij, dum facillima non percipiēs, sed oratione perplexa inuoluēs, reddis obscura. Sed vt capias vel inuitus, præter illa quæ dicta sunt superius, accipe adhuc exemplum ab Augustino,<sup>a</sup> qui agens de eo, quod pertinet ad Baptismũ, de quo dicta sunt illa, Occide & manduca: ] Dissuastisti, inquit, Pagano sacrilegia: occidisti, quod erat. Dato Sacramẽto Christi, incorporastis Ecclesiæ: māducastis. ] hæc Augustinus. Cuius exẽplo Baronius, postquam egregia allusione ad excommunicationem eadem verba conuertit, Occide, & manduca, ] ista mox addidit: Sed quod huiusmodi occisio non esse debeat nisi ex summa charitate: quod occiditur, præcipitur manducare; nempe per Christianam charitatem in sua viscera recondere, & in se ipsum cõnire, vt sint vnum & idem in Christo, quod dicebat Apostolus: <sup>b</sup> Cupio vos in visceribus I E S V Christi. ] ad quæ corroboranda, ea citatur opportune dicta sententia Nicolai. Ita tu me cogis in Lectoris fastidium ista repetere, & in re clarissima laborare, si quo modo crassitudinem tui ingenij exacuere possim, vt adeo perspicua ista percipiat.

<sup>a</sup> Aug. in  
Psal. 103.

<sup>b</sup> Philip.  
1.

Inferius vero illa Baronij carpis, quibus ait: Exulto spiritu (dicam cum Apostolo<sup>c</sup>) superabũdo gaudio, videns in hac mea senectute in Sede Petri alterum sedere Gregorium VII. &c. ] carpis inquam, dum inconsulte admodum subiicis ista: *Non video, cur ei sit propterea exultandum, cum sit potius deplorandum, ipsum, tamdiu vixisse, vt ei in mentem venerit, tempora illorum Pontificum plane miserrima & calamitosissima exoptare.* ] Hæc tu passus mentis vertiginem, neque diuinæ Scripturæ sententiarum, neque exemplorum es memor, quibus ostenditur, lætandum esse magnopere ortu iustorum & optimorum promotione Pontificum, quorum anniuersariam diem magna lætitia consueuerit sancta Ecclesia solemniter ce-

<sup>c</sup> 1. Cor. 7.



lebrare. Vis præterea ex testificatione diuinæ Scripturæ id addiscere, vere esse gaudendum in promotione iustorū? accipe in primis, quod Dñs dixit per Isaiam: <sup>a</sup> Vos autē sacerdotes Dei vocabimini: Ministri Dei nostri, dicitur vobis. ] & de eisdē inferius: Oēs qui viderint eos cognoscēt illos, quia isti sunt semen, cui benedixit Dñs. ] propterea quātum ipsi lætandum, sic pergit: Gaudens gaudebo in Dño, & exultabit anima mea in Deo meo, quia induit me vestimento salutis, & indumento iustitiæ circumdedit me, ] & quæ sequuntur de sancta Ecclesia germinante ex propagatione facta iustorum. Et quod ad hoc, de quo agitur, speciatim spectat, esse gaudendum, cum spes concipitur de vendicanda Ecclesia in pristinam libertatem, eundem audi Isaiā ista dicentem: <sup>b</sup> Omnis terra gauisa est; abietes quoque lætatae sunt super te, & cedri Libani. ] quibus collætantibus istud quod subditur, ad canendū tunc præscriptū est carmen: Quomodo cessauit exactor, quieuit tributum: contriuit Dominus baculum impiorū, virgam dominantium? ] & quæ sequitur. Accipe adhuc & illud Ioelis: <sup>c</sup> Filij Sion exultate, & lætami in Domino Deo vestro, quia dedit vobis Doctorem iustitiæ, &c. ] An non gaudendum, cum etiam, si ista non adessent, sed sperarentur tantum? cum <sup>d</sup> Apostolus admoneat suos ut sint spe gaudentes: satis ad gaudium esse aliquam de bono venturo concipere spem, ostendens.

Quod autem de his agens, nimiam celeritatem Pontificis in excommunicatione infligenda redarguis rationem accipe ab ijs, quæ idem Baronius disseruit in Parænesi. Sed quod subijcis plane risu dignum, dum inuertēs citatā a Baronio Pauli sententiam, qua dicitur: <sup>e</sup> In promptu habentes vlciisci omnem inobedientiam, ] ita subuertis: <sup>10.</sup> Quid est in promptu habere, nisi potestatem habere? ] sed cur non citas, quæ sanctorum Patrum habes auctorem, ista ita interpretantem? Nos hætenus nō inuenimus, qui dixerit ista. Sed quod ibidē calumnieris, & inuidiam pārias summo Pontifici, quod tributa illi diuinitus potestate non ad ædificationem vtatur, sed ad destructionem adhibeat: ita plane sentiūt, qui non sapiunt. Pro Repub. namque ipsa, non cōtra Rempublicam; ad salutem ipsius, & non interitum omnia ista tractata quis dubitet, nisi qui in delicto gaudeat iacere prostratus; doleat vero & conqueratur, si resurgere iēibus compellatur? Pro te, non contra te dixi, respōdit S. Ambrosius Theodosio ex postulanti, quod ipsū in ecclesia inuēctiua oratione proscidisset. Quo audito, acquiescens ipsi vera dicenti pius Imperator poenitens, eidem sacerdoti obtemperauit, qui ita factus fuerat illi per excommunicationē causa salutis.

Tu vero contra, crudelissimum Reipublicæ inimicum te exhibes & perduellem, non corrigēdo, sed adulando, atque defendendo peccatā; inq. illorū te pseudoprophetarū numerū sponte conjicis, quos sic dūgens commemorat Ieremias: *Prophetæ tui viderunt tibi falsa & stulta, nec apti erant iniquitatem tuam, ut te ad poenitentiam prouocarent.* Nam adhuc miscens litam melle adulationē, ad necē aconito preparatā, auditu ipso turpissimā istam addis: *At quodnam est peccatum eorum? Venetorum videlicet* in quorum occisionem, id est excommunicationem Cardinalis Pontificem exacuit & omnino nullum. Omendacium portentosum; hic primo, omnium legū seueritate plectēdum, & post mortem gehennalibus ignibus perpetuo puniendum, quod commercio satanæ prægnans, sordida illa tui domina male peperit adulatio. ut iure conuertantur in te infelicissimum quæcumque sunt pseudoprophetis diuinitus prænuntiata supplicia, irrogata in alios sæpe flagella, atque coaceruata in vnum omnia furorē Dñi immissa in malos malorū genera. Vide, caue, atredine miserrime. Excitabitur nā que cōtra te ultionis Dominus, qui iā arcum suum tendit, & parauit illū, & in eo parauit vasa mortis: *Scitius quam putas, traheris inuitus, ad terrificum tribunal illud Angelis reuerendum.* Tunc nullum esse peccatum, dicis, nolle Dei loco sedenti obtemperare Pontifici? cum Spiritu Dei afflatus dixerit magnus Samuel: *Quasi peccatum ariolandi est repugnare; & quasi scelus idololatriæ, nolle acquiescere?* Pondera sed statera veridica sanctuarij culpam, vel saltem ex eo, quod cum quantumlibet leue quoduis peccatum: consuetudine contemptus crescat in immensum; nemo prorsus poterit mente complecti grauitatem, & enormitatem tantæ inobedienciæ, quam sane grauissimā fecit iteratus sepissime sū, ma obstinatione contemptus. Sed & quanta ex infelici isto palmitē plantato alta radice sint oborta spineta densissima, ferarum omnium bestiarum secura mansio: iam innumera demonstrant exempla, non solum omni lacrymarum fonte lūgenda, sed etiam sanguinis imbre purganda. quæ omnia in caput tuum conuertentur, qui adhuc eadem summa reperi hensione digna commendas.

Post hæc autem, tu perditissime, eadem tua, qua coepisti, adulatione sic pergis de Venetis dicere: *Libertatem, qua hactenus vsi sunt in sua dominatu ecclesiastici Concilij Tridentini monitis parentes, tamquam protectores custodiunt &c.* Proh scelus! tantæ impudentiæ rem agis? Itane custodiuntur leges sacrosancti Concilij Tridentini, cum adeo procaciter peccatur in Romanum Pontificem,

infantur in Romanam Ecclesiam, proculcantur eius iura, infringuntur mandata. pessumdantur quoque in eodem Concilio sancti Canonones, tradita disciplina, atque quod vltimum grauissimumq. est malorum omnium, Concilij illius auctoritate asserta & comprobata: Catholica Fides etiam in discrimen adducta patitur lux integritatis: haud leue dispendium id quod tam plene complures iam grauissimi Scriptores demonstrarunt, vt opus non sit modo ista repetere, atque in his diutius immorari. Adeo vt eidem quā tu cōmēdas, conueniat propheticum illud summæ infelicitatis elogium: <sup>a</sup> Si laueris te nitro, & multiplicaueris tibi herbam borith, maculata es in iniquitate tua corā me, dicit Dominus Deus. quomodo dicis: Non sū polluta? Itā namque tu asseris noui generis Theologus, quē ad oppugnandā Romanā Ecclesiam, ad suffodiendū, & conuellendū radicitus Concilium Tridentinum alit ipsa Respublica stipendio suositā, inquam, tu vt nouus Balaam <sup>b</sup> a Rege Balac, conductus ad maledicendum Ecclesiæ capiti, ipsi Romano Pontifici, cum te ille prudētiōr atque cunctantior, non aliud se quam quod Deus sibi locutus esset, <sup>c</sup> implere velle, sit sapius cōtestatus: tu cōtra Dei volūtatē, atque praecepta legis praeceps, superbe nimis & impie maledicis Romano Pontifici:

<sup>a</sup> Ier. 2.

<sup>b</sup> Num. 22. 23.

Addis enim in eum blasphemiam verbis his abs te iactatam: *Certe ex ore alicuius Spiritus procellarum*, ] ipsum nempe Pontificem Paulum infligentem in Venetos excommunicationem, afflatum spiritu nequam, mali daemonis ore effatum esse. Hic tuorum sensus verborum, cum ais, cum ex ore alicuius spiritus procellarum esse locutum. Sed quasi miraculo factum, vt nolens, ac nesciens tu itidem in hoc Balaam munus expleres, qui vocatus ad maledicendum, benedixit tamen, Deo iubente, populo ipsius. Laudas enim ipse, dum vituperas; & maxime benedicens, cum maledicis, vt mihi sit tecum dicendum, eo spiritu, vel eius spiritus ore, quo tu dicis, re vera locutum esse Pontificē, ex aliquo ipsorum nimirum (quod praecedit in Psalmo) <sup>c</sup> qui nouerint laudare Deum, & (quod sequitur) qui faciunt verbum eius] per quos non nisi sanctos Angelos, ipsos spiritus procellarum esse intelligendos, omnes intelligant. Sic & Paulus scribens ad Hebraeos, <sup>d</sup> per procellas, Angelorum ministerium intellexit, cum loquitur de procella facta in Sinā, quando Moyse Deus legem tribuit obseruandam, in quam quoque sententiam sanctus Iob <sup>e</sup> de Domino dixit: Viā procellis sonantibus posuit, ] cum videlicet (vt S. Gregorius interpretans ait) praedicatoribus suis ad corda hominum terrore venturi iudicii perculsa aditum facit, ] non nisi ipso praetueniente, atque vr-

<sup>c</sup> Ps. 148.

<sup>d</sup> Hebr. 12.

<sup>e</sup> Iob 26.

gēte Spiritu sãcto. Per cuius ministros, hos scilicet spiritus procellati qui faciunt verbū eius, explosū fulmē esse excommunicationis in Venetos (vt se habet veritas) assentimur: te vero dicimus illorū esse consortē, qui errore Balaam mercede effusi sūt, & in cōtradictione Core perierunt: quibus (vt Iudas in sua Canonica ait) alia procella, tenebrarum dicta, seruata est in æternum.

Post hæc autem maiori furoris impetu conuertis spicula in Baronium, eo quod nouo Pontifici Paulo suos gentiles proposuerit Pontifices imitādos, Gregoriū VII. atque Tertiū Alexandrū. At quid sanctius, iure dixerim, quidve facere potuit opportunius, quam in tanto naufragio ecclesiasticæ libertatis, illos proponere imitādos Pōtīfices, qui præcipui sunt cogniti vindices eiusdem ipsius ecclesiasticæ libertatis? Et tu audes hæc his addere: *Eorum Pontificum exempla imitanda scilicet proponenda, quorum fuerat in tractandis negotijs summa dexteritas, qui pacifice & feliciter Christianam Rempubicam tãquam Christi Vicarij gubernarunt.* ] quasi ij, quos imitandos proposuit, infirmi fuerint in hac parte. Quibus cum nec illa defuerint; abundauerunt tamen ista præ ceteris, vt in tuendis iam labefactatis Ecclesiæ iuribus steterint aduersus Principes persecutores infirmi, inuictique, victores vero ipsi præstantes extiterint.

Addis vero post hæc mox ista contra Baronium sic tu perstans in sententia contra sententiam: *Quis, inquit, credat? Gregorij, & Alexandri cupit (Baronius scilicet) renouari calamitates, vulnera reficari.* Quid nī? Vtinam illa ipsa tempora innouarentur, quibus licet cū labore, illati sunt tamē in Romanā Ecclesiā de hostibus superatis, Ecclesiæ iuribus vindicatis, libertate exule postliminio reuocata, innumeri victoriæ tituli gloriosi. Exoptāda sūt nāque sacerdotibus magis istiusmodi bella, quæ ipse Christus indixit, cū ita dixit: Non veni mittere pacē, sed gladiū. ] Respondeat ergo intrepide Baronius interpellatus abs te, vel per te ab alio tãquā Achabo Elias alter: Nō ego, sed tu conturbas Israel, qui dereliquisti mādāta Dñi, securus Baalim. ]

Post hæc autem pudenda quidem audacia iustificans cōparatione Henrici Tertij, & Friderici Aenobarbi Rempubicam Venetā, eiusq. caput oleo adulationis impinguās, hæc ais de ipsa: *Quæ si vñquam Catholica fuit, vt re vera semper fuit a suo exortu: nūc præcipue est religiosa ac pia.* ] Tu ne ista? Dicam libere, sicut & vere. Tam alta impietatis voragine absorptā,mersamq. video Rempub. ipsam Venetā, vt (sicut queritur Deus de præuaricatrice Hierusalē per Ezechielem: Viuo ego dicit Dominus Deus, quia non fecit Sodoma soror tua, ipsa & filie

*Aduersus Ioannem Marsilium Neap.* 13

eius, sicut tu, & filia tua: Et Samaria dimidiū peccatorū tuorum non peccauit; sed vicisti eas sceleribus tuis, &c.) vt, in quā, hac saltē ex parte cōparatione Reipub. Venetæ Henricus ac Fridericus iustificati recedant, habiti laude digni, vtpote licet immanissime delinquentes, non tamen (sicut de Repub. Veneta factum apparet) ita aperuerit super eos puteus os suū, vt non viderint malum suū; cum illi sæpe sapius de profundis aquarum clamantes per Legatos, & litteras, petierint absolui ab Ecclesiæ Romanæ Pontificibus, a quibus fuerant excommunicatione damnati: contra vero maneat, & perseueret ista in sua obstinatione durissima, addens prauaricationes deteriores in dies, resiliensq. a poenitentia, spernat, & contemnat matrem suam S. R. E. Patremq. suum Romanum Pontificem odio acerbissimo persequatur, insectetur contumelijs, in eumq. per suos pseudoprophetas, siue scriptis, siue ex ambonē in ecclesijs pro concione declamet, aliaq. his similia, quæ ab hæreticis tantūmodo perpetrantur, absque verecundia, fronte perfrecta erubescere nesciens, in dies magis accumulet. Itane ergo tua sententia est, quod ais: *Nunc præcipue & religiosa & pia?* Vtinam non mendacissimus inueniretis! Sed gratias Deo, \* qui reliquit sibi semen, & seruauit septem <sup>b</sup> millia virorū, qui nō curuauerūt genua ante Baal, absconsi in <sup>c</sup> pharetra sua, futuri aliquādo sagittæ in manu potētis acutæ, pietate insignes, laude dignissimi ipsi Veneti, quos nobilitat sacer ille character, de quo apud Ezechielem: <sup>d</sup> Signa Thau super frontes virorum gentium, & dolentium super cunctis abominationibus, quæ sunt in medio eius. ]

Sed adhuc parum tibi visum, viuentem Romanum Pontificem acerbioribus perstringere inuestiuis: bellum conuertis in mortuos, sed in cælo viuentes Sanctos, immo Sanctissimos, in ipsum Gregorium Septimum primo, inde in Tertium Alexandrum. Gregorium namque his verbis insectaris: *Tantum quero, quid consecutus est Gregorius post tot tumultus, qui eius in Henricum anathemato excitati sunt?* Respondeo verbis Apostoli: <sup>e</sup> Multum per omnē modum profuit Catholicæ Ecclesiæ. Sed antequam istud edisseram: primo loco illud necessario insinuandum: non animi sui libidine Gregorium aduersus Henricum Imp. (vt videris asserere) conflasse bellum, sed restitisse inuadenti Romanam Ecclesiam. Cum enim omnium consensu, atque adeo ipse etiam Imperatoris, in Apostolica Sede Gregorius ipse Pontifex creatus sederet; ille postea intrusit in eam pseudopontificem, quem & defendit vsque dū vixit. Ista namque præcessit omnium turbarum causa, qua iustior nemo

<sup>a</sup> Isa. 1.

<sup>b</sup> 3. Reg.

49.

<sup>c</sup> Isa. 19.

<sup>d</sup> Exech.

9.

<sup>e</sup> Rom. 3.



vel fingere possit, cum necessitate eidem resistere compulsus fuerit ipse Gregorius. Qui in propugnando inuasa atque peruasa S. R. E. iura, primo lucratus hoc est, vt fregerit sacrilegi Principis audacissimam temeritatem, compellens eum veniam humillimo obsequio deprecari: lucratus insuper, quod inuestituras ecclesiarum tum per ipsum, tum per alios Principes male ablatas, diutius possessas ab eisdem, tamquam de manu Herculis clauam, auctoritate Apostolica agens potētissime abstulerit, & reuocauerit sanctam Ecclesiam in pristinam libertatem, quo nihil vtilius, præstantius nihil & gloriosius esse potuit: lucratus adhuc, quod ex eo ceperint Principes metuere, & maiori colere obseruantia Romanos Pontifices, quos hæcenus male habuissent, atque penitus contempsissent. Si tibi pauca ista videntur, qui non nisi ex temporali lucro, mercatoris instar, vtilitatem Ecclesiæ æstimasse videris: te rogo, inspicere, quam tunc per ipsum a Mathilde accepit S. R. Ecclesia denationē amplissimā: quod cum præstiteris, plane fiet, vt eiusdem Gregorij ministerium pro Ecclesia non adeo contemnens inutile dixeris. Sed quod abs te despici videtur eiusmodi consideratio de ijs, quæ per eum est lucrata S. Ecclesia: ad mala, quæ pertulit, non laudans, sed exprobrans, conuertis orationem, ista mox addens:

*Ipse tandem (Gregorius scilicet) cum Guiscardo Calabria Duce, quem amicum habuit ac protectorem, qui nihilo erat melior quam Henricus. immo fortasse peior: ab Vrbe Roma, quam Guiscardi milites populati fuerant, cuius templa profanauerant, Salernum concessit; Vbi exul ac profugus, macie, ac dolore confectus, tandem interijt.* ] Ita tu in miserum insultans, sed primum iniuste contra omnium piorum illorum temporum Scriptorum sententiam in Robertum Guiscardum tot mala cogeris. Qui ex eo in primis maxime commendatur, quod sua relinquens sub bellialea constituta, ad liberandum ipsum Gregorium Pontificem, qui Romæ tenebatur obsessus, tradendus a Romanis Henrico Imperatori, cum exercitu in Urbem se contulit; cum & coactus, ad reuocandos Romanos a Pontificis obsidione, ignem iniecit in ipsorum domos, non in ecclesias, quas coluit, non autem, vt infirmulas, profanauit. Consule de his vetera monumenta Scriptorum, qui eodem scripsere tempore, & discas quæ nescire pro suis argueris.

Sed longe grauiori indigent inspectione, atque correctione, quæ abs te subiiciuntur cū despectu & improprio de his, quæ pro Christi Ecclesia idem Gregorius est gloriose perpeffus. Siccine apud te vilescunt coronæ Martyrum, & Confessorum? Siccine sordent pal-



ma vineentium sanctorum Pontificum, cuius triumphos loco duxeris  
pompe funeralis, vel comitatus infelicium damnatorum? Ut autem  
e tanto lethargo, quo miser confopitus loco mortui deplorandus sis,  
expergiscaris; fulmineus explodendus tonitrus ille Dauidicus est: Fi-  
lij hominū vsquequo diligitis iniquitatem, & queritis mendacium?  
SCITOTE QVONIAM MIRIFICAVIT DOMINVS SANCTVM SVVM J. Vis scire quantum mirificavit? quam  
sublimem talia patientem diuina extulerit Sapientia? accipe, quæ  
dicta de alio, huic de quo agitur Gregorio æque conueniunt: b Hæc b Sap. 10.  
profugum insulum deduxit per vias rectas, & ostendit illi regnum  
Dei, & dedit illi scientiam Sanctorum: honestauit illum in laboribus,  
& compleuit labores illius. In fraude circumuenientium illum affuit  
illi. Custodiuit illum ab inimicis, & a seductoribus tutauit illum, &  
certamen forte dedit illi, vt vinceret, & sciret, quoniam omnium  
potentior est sapientia. ] En quomodo mirificauit Dominus Sanctum  
suum, quem tu miser contemnis, & despicias. Sed nondum finis,  
adhuc remanent dicenda maiora, nimirum, quod & miraculis mi-  
rificauit Dominus Sanctum suum, quæ per præcipuos dignitate,  
probitate, & doctrina eiusdem temporis Scriptores voluit Deus præ-  
steris commendari, nempe per Leonem Episcopum Ostiensem, & S.  
Anselmum Episcopum Lucensem. Mirificauit adhuc, dum bene  
explorata atque probata eius egregia sanctitate inter Sanctos me-  
ruit annumerari, ac religioso cultu Sanctorum ab Ecclesia frequen-  
tari. Scito, igitur, scito (iterum dico), quia mirificauit Dominus  
Sanctum suum, quem tu ignominiose adco sepelisti, aggere super-  
ingesto despectus & contumeliæ. Sed expectanda ea tibi, quæ talia  
facientibus a diuina Scriptura est pronuntiata vindicta, quæ c dicitur: c Eccles.  
Qui in altum mittit lapidem, super caput eius cader. ] quanto verò 37.  
fragore, contractione quanta, Dominum audi dicentem: a Super a Matth.  
quem ceciderit lapis, conteret eum. ] Cum tu miser hæc dicturus 21.  
sis in inferno: e Ecce, quem habui in derisum & similitudinem impro- e Sap. 5.  
perij, quomodo computatus est inter filios Dei, & inter Sanctos fors  
illius est? ] Sed qui ita detrahendo sanctissimum Gregorium de-  
preliti; tu ipse mendax in Ratera; in sublime autem Henricum im-  
pium extulisti, sic pergens:

*St. Henricus filius cum Paschali Secundo in gratia rediens, non solum  
ab antea: tunc se absolui non est passus, sed omnia, quæ Imperator fecerat,  
rata habuit: tandem splendoris coronatur. ] Ita quidem, vt in te  
omnes reproborum numeri expleantur. Sicut enim de pijs, in quibq.*

*a Ps. 14.* illud diuinum prædicat oraculum: *a* Ad nihilum deductus est in conspectu eius malignus: timentes autem Dominum glorificat: ] ita e contrario peculiare est reproborum, probos nihil facere, atque contemnere; improbos vero laudare, & exaltare. Quibus tu concors, post conculcatum pedibus, quem Deus extulit super sidera, Gregorium Papam Septimum, Imperatorem Henricum sacrilegum præ ceteris ita commendas. Nonne hic ille nequissimus Imperator Henricus, qui, ut absolutionem a Paschali Pontifice extorqueret, & Imperij coronam arriperet: in loco sacro, in gremio ipso Vaticanæ basilicæ iniecit in Pontificem ipsum vincula: sicq. eundem vinculum catenis secum ignominiose abducens, non dimisit, donec ab eo, quæ voluit, violenter est consecutus, immo furatus absolutionem, ac simul Imperium? Quod impium facinus abs te adeo prædicatur, cum ais, eundem Henricum a Paschali splendidissime coronatum. Mitto cetera, quæ vitiosa in his dicendis effutis oratione, & quæ peccas in historiæ veritatem: leuissima enim visa sunt hæc comparatione sacrilegæ laudationis: eoq. magis, quod post hæc ita Baronium ipse compellans, istiusmodi vrges interrogatione, infans profus homine digna:

*Dicat quæso Cardinalis, quis vicit? Gregorius, an Henricus?* ] Ego dicam, qui tibi respondendi semel munus suscepi: sed responsurus te antea percontabor. In huiusmodi exantlatis certaminibus Christianorum, utros tu dicis vicisse; Neronem, an Petrum? Clementem, an Traianum? Decium, vel Fabianum? Diocletianum, an Caium? Si perstiteris in sententia, opus est respōdeas, vidum Petrum a Nerone, Clementem superatum a Traiano, sicq. de ceteris, si nolis redargui leuitatis. At quanto ista cum scandalo, audi tu illud te redarguentem *b Psal. 72.* Dauidicum: Si dicebam, narrabo sic: ecce nationem filiorum tuorum reprobavi. ] Reprobasti plane, Hagiomache, ipsum Gregorium, & Sanctos omnes tu ista professus, dans priores Henrico, Gregorio autem posteriores. Cuius rei gratia non solum ab Ecclesia exulare cogaris, quæ colit Martyres uti victores, prosequiturq. laudibus, festisq. diebus eorum palmas, atque triumphos: sed a quacumque Christianitate fieri extorris necesse habeas: cum etiam hæretici non negent fuisse victores Martyres, qui, ne Christum negarent, fidem, quam colebant, vitæ præsentis dispendio conseruauerunt. At fortasse dixeris: Non pro fide Gregorius Papa, sed pro libertate pugnavit Ecclesiæ. At hos etiam uti victores pari corona a Christo donatos esse martyrij, & inter  
alios

alios S. Thomam Archiepiscopum Cantuariensem, vniuersa Ecclesia Catholica anniuertario eius diei cultu testatur.

Perstans tu vero in eadem ista tua omnium sententia damnata stultitia, hæc insuper addis: *Sicime vindicatur libertas ecclesiastica? Si hoc est vincere, quid erit perdere? Si immunitas sic restituitur, quomodo labefactatur?* Ita quidem libertas ecclesiastica vindicatur, cum uti Gregorius, summa constância steterint Romani Pontifices aduersus persecutores Principes inconcussi, eligētes magis cum Gregorio exulare, atque exules mori, & potius quam turpiter prostituere ipsam ecclesiasticam libertatem, vitam ipsam profunderē, consummando martyrium. Quod plane est vincere, ducereq. triumphum: perdere vero; si cum dispendio ecclesiasticæ libertatis pax omni bello funnellior acceptetur. Hæc adeo vera sunt atque recepta, vt aduersus huiusmodi non sit lex.

Post hæc vero, quasi expugnato Gregorio, magno fastu in Alexandrum Tertium Papam maiori arrogantia conuertis orationem. sed ipso ingressu, ignarus historiarum, naufragus periclitaris, in mendaciorum Syrtes illapsus. Quod senties, vti iegeris Annalium Tomum Duodecimum iam cūsum, proxime edendum, cum scilicet Index ipsius fuerit absolutus. Tunc plane senties, quā mendaciter asseras, nihil per Alexandrum fuisse de libertate ecclesiastica vindicatū.

Hic vero finem imponens scripto tuo (quod Votum tuum voce barbara nuncupatum cupis) sic peroras: *Hoc est meum Votum: vt ab ipso Cardinali admoneretur, vt illorum Pontificum exemplis ab incepto se remoueat; & quod ipsius hortatu nimia festinatione commisit, quam citissime detestetur, corrigat, & emendet. Hoc si fecerit, non dubium est, quin ei daturus sit Deus faciem duriorē faciebus, & frontem duriorē frontibus, Infidelium nimirum: quia erit murus aeneus, & columna ferrea fundata, &c.* Frustra laboras infelix, stulte conaris tu miser efficere, quod nec omnes illecebræ Principum blandientium, neque tormenta sauietium tyrannorum efficere possent. Stabit, cum omnium collegarum, tum ipsius Cardinalis Baronij illa in sacro Consistorio dicta sententia, manebitq. perpetuo, tabulis tamquam aeneis exarata; consecrata vero æternitati, ipsa die magni iudicij perspicua cunctis apparebit radiata fulgoribus veritatis.

At quis non rideat istam tuam adeo fulem, inancm, ac in omnibus stultam de muro a neo, & de ferrea columna promissionem, inconstantiam resiliat Baronius a proposito firmitate, recedat

a bene stabilito, inspirato diuinitus instituto, remittat probe tensus  
 neuos vigoris sacerdotalis & ista sanotvadere te docuit tuus colle-  
 ga diabolus, ex more casum consulens, & in casu ruinam. Nam sicut  
 tu modo Baronij, ita ille olim Christi appetijt. verbis istis: *a* Si cadēs  
 adoraueris me: ] vel illis his similibus: *b* Mitte te deorsum. ] Dū igitur  
 promittis muri ænei firmitatem in ruina, & stabilimentum columnæ  
 in casu ipso: non per te Christus, sed plane diabolus conuincitur ef-  
 se locutus. Iam tenemus nos securi ipsius Domini nostri de his per  
 Angelum suum pronuntiatum oraculum, tuo plane contrarium,  
 quo vere docemur, quomodo possimus effici in templo columna.  
 est enim huiusmodi: *b* Tene quod habes, nemo accipiat coro-  
 nam tuam. Qui vicerit, faciam illum columnam in templo Dei  
 mei, & foras non egredietur amplius, & scribam super eum nomen  
 Dei mei, & nomen ciuitatis Dei mei nouæ Ierusalem. ] Non igitur  
 corruenti (vt tu suades) sed stanti; non deficienti, sed permanen-  
 ti; videnti, non cedenti istiusmodi locupletiores a Deo per Ange-  
 lum promissiones sunt factæ, & pariter adimpletæ. Tu magis, perdi-  
 tiſſime, qui Steſichori instar penitus cæcus redditus es, & ductor  
 cæcorum, cum pulchritudinem veritatis scriptis aduersarijs prodi-  
 disti, vt tandem videas, sicut ille, recanta palinodiam: alioquin om-  
 nes vos simul corruentes excipiet alta illa inferni fouea, e qua nulli  
 datur ad supera reuocari.

## F I N I S.

IN EIVSDEM APPENDICEM,  
 qua falso ex Annalibus eiusdem Card. Baronij  
 Ducem Venetiarum excusat atque defendit.



**V**BI autem tuam absoluisti inueſtiſſimam orationem  
 aduersus Baronij ſententiam, dictam in Conſiſto-  
 rio: conuertis rudem tuum, obſectumq. rubigine  
 ſtylum ad excuſandum Venetiarum Ducem, ſum-  
 pto argumento ex eiſdem Baronij Tomo Anna-  
 lium Decimo, annō Redemptoris 878. ſic ludendo exordiens:  
*Tandem, vt hoc meum Verum non meo, ſed ipſiusmet Cardinalis Baronij*  
*ſeno communiam, quo maior illi ab om. bus aſcribatur fides: Veli-*

*moria repetas, quæ Tomo Decimo Annalium &c.]* Sed melius tuo signo muniatur oratio tua, quo te loquendo barbarum, dicendo mendacem, differendo falsarium repræsentet, indita imagine monstri alicuius ex commitione trium diuersarum bestiarum horribilis, nempe Chimæræ, quæ cum sit capra vilissima, leonis capite pollens ignes euomat, & cauda draconis venena conseruet, hieroglyphicum symbolum personæ isti tuæ digne conueniens. Sed quod adhuc Baronij signum (vt iactas) inconsulte nimis usurpas: erit tibi signum istud in malum, & poenitebit te saltem in fine, vbi ex eo impostor, mendax, atque falsarius conuictus inuenieris. Præstabat te, cū eadē ex Annalibus sumpta in Illustrissimum Card. S. R. Ecclesiæ Bellarminum, præstantissimum Ecclesiæ Catholicæ propugnatorem obieceris: ipsum ista omnia tua egregie dissoluentem audire, vel eius plene confutare responsionem. Sed cum neutrum feceris: stulte in Baronium eadem tela conuertis, qui vt sagittas infantium, illa contemnit.

Attamen quia semel hanc tua scripta confutandi suscepi provinciam: in arenam descendo haud inuitus, ne si taceam, cedere tibi videar. Percipiat autem Lector, antequam muto certantibus iudex assistat, totius controversiæ argumentum huiusmodi: Ioannes Papa Octauus ob occupata iura Ecclesiæ Romanæ in prouincia Bulgariæ Ignatium Patriarcham Constantinopolitanum tertio cōmunitum litteris peremptorijs, suspensis tamen hac conditione, nisi pareat iussis, excommunicatione condemnat. Quid factū fuerit per Legatos, ibi non legitur; asseritur tamen Ignatius non destitisse a suorum iurium defensione vsque ad obitum, qui eodem anno contigit. Marsilius ad iustificandam causam Ducis Venetiarum, a Paulo Papa V. excommunicati, quasi rem egerit laudē dignam, exemplo S. Ignatii Patriarchæ Constantinopolitani ita inducit argumentum. Excommunicatus a Ioanne Papa Ignatius Patriarcha eidem non obediuit, sed iura tueri sua ad obitum vsque perseuerauit. Licite ergo resiliit eius exemplo Dux Venetiarum, dum excommunicatus non paruit iubenti Pontifici, sed persistit tueri iura Reip. prout teneatur iuramento ea defendere. Hæc est illatio ab Ignatio ad Ducem facta, & deducta argumentatio. ex historia dicto anno, eodem Tomo Annalium recitata. Procederet fortasse inductio ista feliciter, & secuta, si absque obice falsitatis affirmari posset, Ignatium reuera excommunicatum a Ioanne fuisse; hoc est, litteras excommunicationis peremptorias illas, suum effectum obtinuisse, & executioni



mandatas. Quod si euidentissime ostendatur contrarium, nempe Ignatium nullo modo excommunicatum fuisse, euānescat necesse est tota ista tua facta illatio: cum longe inter se discrepantia existant exempla, ut nihil sit, quod ex altero in alterum possit inferri, nempe a non excommunicato ad excommunicatum facta deductio.

Caput igitur totius controuersię est, Vtrum litterę Pontificis peremptoria, quibus excommunicationis terror Ignatio denuntiatus fuit, reuera executioni demandatę fuerint, ut propterea Ignatius excommunicatus fuisse credi debeat. Ait Marsilius. Negat omnino Baronius. Vtrius verior sit causa, iam Lector cognoscat. Audiatq. in primis, quę per Marsilium adducuntur, dum affirmat Ignatium fuisse re ipsa sententia excommunicationis affectum. ait sic ipse: *Hadrianus Pontifex & Ioannes Ignatium, quod temerario calcaneo suam iurisdictionem occupasset, atque adeo surripisset, monent & censuris feruunt.* At ista penitus falsa sunt, & a veritate procul abhorrent. Nam quod in primis ad Hadrianum pertinet, extant ipsius litterę ad Ignatium, recitatę superius in Annalibus, anno Christi 868. quibus eidem omne studium aduersus Phorium pollicentur: rursum alie anno 871. datę ad Basilium Imp. de ipso Ignatio, quibus queritur de inuasa ab ipso diocesi Bulgaria; & hæc tantum ei comminatur: Nec ipse canonicam effugiet ultionem. ] præter hæc verba, nulla prorsus alia ab eodem legitur inflicta censura. Vnde, tu Marsili, prorsus falsarius esse conuinceris, qui affirmas, Ignatium ab Hadriano peritridū esse censuris, cum nec in illis, nec in postremis Hadriani ad Ignatium litteris querelarum plenis aliquid huiusmodi scriptum reperiatur. Hæc de Hadriani litteris falso abs te inductis.

Quod autem ad Ioannis Papę litteras peremptorias spectat, ita quidem per eas Pontifex excommunicatione denuntiat, ut tamen eam conditione suspendat, nisi scilicet paruerit Pontificijs iussis. Quam obrem dici non potest, re vera excommunicatum fuisse Ignatium a Ioanne, nisi iam constiterit, per Legatos litteras illas comminatorias fuisse executioni mandatas. Siquidem quāplurima intercedere potuerunt, ut id minime factū fuerit, neque fieri valuerit. Quid enim, si, antequam Legati ipsi peruenerint Constantinopolim, defunctum fuisse Ignatium probari possit? Quod cum apertissime inferius demonstrauerimus factum fuisse: innarebit præ angustia vox faucibus tuis, animo concides, viribus corporis destitutus. sed de hoc postea, interea proposita prosequamur.



*Aduersus Ioannem Marfilium Neap.* 21

Cum igitur nihil sit non modo firmi, sed neque probabilis, ex quo asseruari possit, Ignatium a Ioanne Papa fuisse excommunicatione punitum: quid mox idem ipse subiiciat, audi Lector: *Cardinalis Baronius in censuras eum non incurrisse asserit, quod non aliena retineret, sed sua ex prædecessorum possessione possideret. An non hæc est causa Serenissimi Principis Venetiarum, immo multo iustior? &c.* ] At vbinam, mendacissime, inuenisti hæc, quæ tu sic recitas a Baronio esse dicta? nempe eo quod Ignatius non aliena retineret, sed sua, in censuras non incurrisse? sed cum nihil prorsus huiusmodi ab eo scriptis proditum inueniri possit: manifestæ fraudis & falsitatis reum peragam. Textus verborum eiusdem Baronij in promptu est; cuicumque legere volenti patet. Reddenda sunt hic igitur singula verba Baronij, si quid huiusmodi ab eo dictum appareat. Dum igitur negat Ignatium a Ioanne Papa fuisse excommunicatum, sic sententiam suam probat: Quamuis autem ista ab Ignatio impleta minime inueniantur; constat tamen eundem semper usque ad obitum, & post obitum in Catholica Romanæ Ecclesiæ communionem fuisse retentum, quod eiusmodi Pontificis Ioannis plures epistolæ ad diuersos datæ post eiusdem Ignatij obitum docent, ut iam de his nulla penitus dubitatio oriri possit. ] Hæc Baronius, negans penitus, Ignatium fuisse Ioannis Papæ sententiæ excommunicatione damnatum, nullam causam asserens, cur, ut non incurreret, factum sit. Complures namque causas intercedere potuisse; est superius demonstratum.

His asseritis, Baronius pie agens, cum de Sancto sit sermo, quem coleret Oriens, atque Occidens; in excusationem ipsius, quod morienti Hadriano, atque post eum Ioanni non acquieuerit, ista mox subiicit: Neque est, quod quis ob hanc Ignatium animo fuisse in Apostolicam Sedem in senso existimet, vel ingrato: cum quæ iuris essent suæ ecclesiæ, defendere teneretur iuramento obstrictus etiam æternæ vitæ dispendio. Non enim aliena retinere, sed sua possidere ex possessione prædecessorum ipse iustum putauit: cui haud dubium sponte celsisset, si id facere sibi licuisset, credidisset. ] Ista Baronius de Ignatio, postquam nulla excommunicatione ipsum fuisse affectum probauit, in eius excusationem attulit, prout multi Pontifices suis litteris Apostolicis fecisse noscuntur, cum in aliquem lauri sententiam, laudant primum eius in tuendis ecclesiæ suæ iuribus studium. At quomodo tu iners, eandem tandem elice causam Ignatij, & Ducis Venetiarum, cum illum constet omni excommunicatione liberum, iura defendisse ecclesiæ suæ; Dacem vero ex-

communicatione damnatum, obedire penitus recusasse? Equidem ante condemnationem cuilibet licere iura sua tueri absque scrupulo contumaciæ, certum est: vbi vero est sententia condemnatus, iubenti parere, seq. ei subijcere necesse habet.

Ex his ergo, & cum his pariter tu ipse redarguas, quæ abs te aliæ falsæ inferuntur illationes. In quibus & adhuc maiorem corrige falsitatem, abs te verbis istis assertam: *Ioannes etiam Nonus Pontifex ait, Ignatium ab Ioanne Octauo propter hanc causam anathemate fuisse percussum, vt testatur idem Baronius anno 880. n. 11. & 12.* hæc tu, inquam, mendacissimè. Vbi habeat ista Baronius, cum adeo exacte locum signas, per facile est inuenire. Reddenda sunt igitur hic singula a Baronio verba posita, vt Lector apertam falsitatem inspiciens, in te, vti falsarium, iure declamet. Sunt hæc verba Baronij: Legitur ibidem Ioannis Papæ Noni epistola ad Stylianum, qua profitetur, eadem sentire se, & eodem loco habere Photium, & omnes Patriarchas Constantinopolis ab Ignatio vsque ad Antonium, quo habuerunt omnes sui prædecessores Romani Pontifices, inter quos numerat Ioannem his verbis: Volumus igitur, vt etiam nunc, secundum eandem regulam decreta sanctissimorum Pontificum prædecessorum nostrorum inconcussa maneant. Quapropter & Ignatium, & Photium, & Stephanum, & Antonium, sicut sanctissimus Papa Nicolaus, Hadrianus, & Ioannes, & Sextus Stephanus, & vniuersa Romanorum Ecclesia hucusque tenuit, etiam nos eodem ordine recipimus & tenemus, &c.] Atque hæc sunt, quæ ex litteris Ioannis Noni recitat Baronius: quibus quid in re tam perspicua addendum sit, non equidem video.

Quomodo ergo tu dicere ausus es, testari Baronium ex Ioanne Nono, Ignatium a Ioanne Octauo ob hanc causam anathemate fuisse percussum? Cum præsertim ex redditis his Ioannis Noni verbis contrarium demonstretur; Ignatium videlicet ab omni excommunicatione liberum, ac reificatione Romanorum Pontificum Romanæ Ecclesiæ communicatorem perseuerasse: id plane testantibus, quos citat, Nicolao Papa, Hadriano, atque Ioanne; vt ex eorundem litteris Baronius demonstrauit: quæ omnes eodem Decimo Tomo habentur inclusæ, in quibus omnibus reperitur aduersarius Ignatij Photius esse damnatus, quorum sententiæ Ioannes se inhaerere proficetur. Fefellit te, quod putasti, audito illic nominato Photio, omnes reliquos, perinde vt Photium, sententia eorundem Pontificum condemnatos fuisse. Sed longe diuersa a tua opinione fuit Ioannis Noni

*Aduersus Ioannem Marfilium Neap.* 23

sententia, dum singulos nominat Romanos Pontifices, quos sicut aduersus Photium liquet infensos fuisse, ita erga S. Ignatium constat extitisse propensiores. Ex quo tu etiam colligere poteras, nequaquam omnes nominatos ibi Patriarchas Constantinopolitanos censeris damnatos. Nam (vt emittamus de Ignatio dicere) reliquos postremo loco nominatos, Stephanum, qui pulso Photio fuit auctoritate Papæ Stephani Sexti subrogatus, & Antonium, qui Stephanano successit, fuisse Catholica communione Romanæ Ecclesiæ coniunctos, & sanctitate claros, manifeste apparet ex ijs, quæ suis locis de iisdem; eodem Tomo ab eodem Cardinali Baronio enarrantur.

Sed adhuc his maiorem audiat falsitatem Lector ex ijs, quæ iactas in Baronium verbis istis: *Postremo, Cardinalis ipse fatetur, a Ioanne fuisse Ignatium a Catholica communione segregatum.*] At quomodo tu mendax audacissime & audax mendacissime dicere potuisti, ista asserta a Baronio, qui in recitata superius pro Ignatio scripta a se defensione, adeo firmiter asseuerat, numquam ad obitum vsque, neque post obitum communicationem Ignatii cum sancta Ecclesia Romana interceptam aut diremptam fuisse? Tu autem hebetioris ingenij, & tibi ipsi te ipsum fallenti nimium credēs, vana ista, ac penitus falsa scriptis mandasti, non attendens verba Baronij, quæ sic se habent, dum de litteris commonitorijs & peremptorijs Ioannis Papæ ad Ignatium verba facit: *Quia epistola nimis perstringit ipsum, & a communione Catholica legregat, nisi intra triginta dierum spacium reuocet ab eo ordinatos Episcopos Bulgariæ.*] Quid colligere ex his potes, nisi ex scriptis a Ioanne litteris, sic excommunicationis sententiam esse prolatam, vt tamen eadem fuerit ea conditione suspensa? Quomodo ergo tu asseris profiteri Baronium simpliciter, excommunicatum Ignatium a Ioanne? At non dedit stupor iste tuus & ingenij crassitudo hæc tam clara, te posse perspicere, quæ vero his deteriora coniungas, Lector audiat:

*Iam vero sic possunt quæ Cardinalis dicit, quamuis pugnantia videantur, apte congruere, eum a communione Catholica fuisse a Pontifice segregatum, & tamen in communione Romanæ Ecclesiæ post obitum, cum miraculis claruit, a Pontifice fuisse retentum.*] Quibus dupliciter & grauius eras, dum quod nemo vanquam dixit, tu inuentus es qui affirmares, sententiam in Ignatium a Ioanne Papa conditione suspensam, fuisse executioni mandatam; sicque defunctum Ignatium ab excommunicatione Catholica, receptum vero post mortem in com-

munionem ab Apostolica Sede ob miracula ab eo edita . At non ita Ioannes litteris suis, quibus nullo tempore; neque ad horam, interceptam fuisse, communionem Ignatij cum Apostolica Sede significat. Sed quam falsa sit diuinatio ista tua, euidenter nunc ostendam. Cum iam ista de Ignatio satis superq. videri possent a Baronio ex litteris citatis Ioannis Pontificis reddita esse perspicua, de contrarietate semper cum Ecclesia Romana communionem: non curauit ipse Baronius omnia, quæ huc spectarent (dicenda quippe suis locis inferius) hic in vnum congerere, cum oporteret Lectorem tamquam in itinere constitutum eadem sibi obuiantia suo loco perlegere . Quæ cum tu oscitanter præterieris, hic modo opportune sunt manifestanda, ne post hac de his vel mutire præsumas.

• Prouoco igitur te; atque tecum vna Lectorem, etiam quem tu velis, & in primis illum ipsum, quem his tuis falsitatibus traduxisse atque decepisse inuentus es, Ducem Venetiarum; prouoco inquam ad epistolam Styliani, magni nominis viri, religiosissimi Archiepiscopi Neocæsariensis, qui eodem tunc vixit tempore cum Ignatio; datam ad Stephanum Papam Sextum, quæ continetur eodẽ Decimo Annalium Tomo, anno Christi videlicet Octingentesimo octogesimo sexto, editione Romana, pag. 611. 612. 613. quæ hoc habet exordium, aurea immo diuina ista sententia ad institutum accommodata: **DEI CATHOLICA ET APOSTOLICA ECCLESIA SEMPER PRAEVALET ADVERSUS EOS, QUI ILLI BELLVM CONCITANT, &c.]** Quæ ipsa epistola historica narratione ab eodem Styliano accuratissime recensetur, quæ in causa Photij tempore prædecessorũ Romanorum Pontificũ transacta essent. Vbi vero in ea vtrum est ad legationem Eugenij Episcopi Ostiensis, & Pauli Anconitani Antistitis, a Joanne Octauo Pontifice Constantinopolim ad Ignatium missorũ, totidem verbis scribit Paulum & Eugenium Episcopos a Ioãne Papa ad Ignatium Patriarcham missos, vt cum illo de rebus Bulgarorũ prouinciæ agerent, sed eundem reperisse defunctum, sic dicẽs: **QUI CVM INVENISSENT, QVOD BEATVS IGNATIVS IAM DEMORTVVS ERAT, PHOTIVS ILLOS MVNERIBVS CORRVPTOS DECEPIT.]** Hæc Stylianus, qui his omnibus, vt testatur, præsens interfuit, reddita hic tibi litteris grandiuiculis, quod sit contra te sollemnis lata sententia, quæ velut ossa picca a Danielis tuo obstrueto ore, vt serpens ille, necesse sit in mediis disrumparis, sicq. respiceat, quem decepisti, Dux ipse, &

alij tibi rerum ignaro nimium cito credentes. Cum iam adeo aperte demonstratum sit, S. Ignatium, præcurrente morte, ante Legatorum aduentum omne prorsus anteuertisse. atque vitasse iaculum anathematis, quo tu male suadens, eundem Principem decepisti, deducens ab exemplo longe dispari argumentum a non excommunicato ad excommunicatum. ita tu perperam Principi adulatus, ex eorum plane factus es numero, de quibus Deus ita queritur per <sup>10</sup> *Oseam*: In malitia sua lætificauerunt Regem, & in mendacijs suis Principes. ]

At vero tibi teo tãti facinoris remittit Baronius noxam, tuam exoptans ad Christum conuersionem. Quam si neglexeris, experieris, certo scito, a Deo vindictam, plagis acrioribus afficiendus pro plagio perpetrato: quippe qui tuis scriptis liberum hominem, sanctissimum Patriarcham strictum tenueris, vti mancipium Satanæ, ad tui commodi nundinationem vinculis anathematis, in gratiam eorum, quibus tantopere adularis.

Quod vero minaris, in fine, te aduersus Baronij Paraneum moliri acerbiores responsiones: ecce ego qui semel coepi, te excipiam verberonem, non gladio, atque elypeo, sed vt in bello seruili scutica, atque flagellis scriptorum, quorum vel sonitu territus, deligas ante capessere fugam, quam inflitos sæpius verborum ictus iterum experiri. Mitte quamprimum absolueris quod male meditatus es opus: in quo pariter argumento versatum quempiam Venetorum ciuium accepinus. Quod si verum est: iunge tuis quidquid a quouis editum scies, vt vnâ eademq. responsione cunctis satisfaciamus.

F I N I S.

pag. 15. versic. 5. ibi. vsquequo adde. geui corde, vt quid



## D V O V O T A

H O C E S T

E X A N I M O V O T O

prolatæ sententiæ

V N V M

Illustrissimi, ac Reuerendissimi D.

CÆSARIS BARONII

S O R A N I

S. R. E. Cardinalis Bibliothecarij

C O N T R A

*Serenissimam Rempubicam Venetam*

A L T E R V M

Excellentissimi D. Ioannis Marsilij Neapolitani Theologi,

pro eadem Serenissima Republica.



M. DC. VI.



27

+ -

*Typographus Candido Lectori S.*

**C**ircumferuntur vulgo duo vota, vnum Illustrissimi ac Reuerendissimi Cardinalis Baronij contra Serenissimam Rempubicam Venetam; Alterum Excellentissimi D. Ioannis Marsilij Theologi praestantissimi pro ipso Republica, in quibus quantum vterque hinc atq; hinc dicendo & disputando possit, manifesto constat. Quo fructu atq; vtilitate ne plerique studiosi priuentur inopia exemplorum, illa Typis mandanda curavi. Lege igitur, candide Lector, ac perlege quae tibi offero, tum libere tuum poteris de vtroque voto ferre iudicium. Vale.



Illustrissimi Cardinalis

**CAESARIS BARONII**

Contra Serenissimam Rempubicam Venetam

V O T V M.

**D**VPLEX \* est Beatissime Pater ministerium Petr<sup>i</sup>. \* est le-  
 pascere, & occidere. Dixit enim \* Pasce oues meas, glitur.  
 audiuitque Petrus e calo vocem, occide, & mandu- \* iph Chri-  
 ca. Pasce oues meas, est curam gerere obsequentium stus;  
 fidelium Christianorum, mansuetudine, humilitate,  
 ac puritate oues, & agnos praeseferentes: \* cum vero non  
 cum ouibus, & agnis negotium sit, sed cum Leonibus; \* praesele-  
 & alijs feris animalibus refractarijs & aduersantibus agendum \* sit: Pet- rentium.  
 trus iubetur \* eas occidere, obfistere scilicet, pugnare, & expugnare, ne ta- \* dele  
 les sint penitus. Sed quod huiusmodi occisio non esse debeat nisi ex summa cha- \* ea  
 ritate, quod occiditur, praecipitur manducare, nempe per Christianam chari-  
 tatem intra sua viscera recondere, in seipsum cōnirere, ut sint simul vnum.  
 & idem in Christo, quod dicebat Apostolus. Cupio vos in visceribus Iesu  
 Christi. Sic igitur non est occisio ista crudelitas, sed pietas, atque sincera cha-  
 ritas, cum sic occidendo saluet, quod eo modo viuere sinendo perierat. Est ex-  
 communicatio, ut Nicolaus Papa docet, non ad occidendum venenum, sed  
 ad sanandum aptissimum medicamentum; sicut videmus patrem amare  
 vincula, quibus ligatur a Medico filius phrenesi laborans, sperantem  
 usum posse curari. Perge igitur Sanctissime Pater, quod coepisti, in quo non

est, qui te redarguere possit nimia festinationis, cum dicat Paulus Apostolus ad Corinthiorum scribens Ecclesiam: In promptu habentes percipere omnem inobedientiam, in promptu hoc illi faciendum precipit. tua vero Sanctitas in his diutius est immorata, scribens saepius, dilationes iteras in hanc usque diem. At vero, ut verum fatear, exulto spiritu, dicam cum Apostolo, superabundo gaudio, videns in hac mea senectute in Sede Petri sedere alterum Gregorium VII. siue Alexandrum III. hos scilicet principes vindictae collapsa penitus ecclesiastica libertatis, ambos ex Senensi Metropoli, unde Sanctitas Vestra originem ducit, vocatos ad Calhedram Petri: quorum alter expugnauit Henricum Imperatorem peruersissimum; alter mira constantia resistens, Fridericum Imperatorem etiam penitus superauit. Idem tibi certamen ineundum est. \* Trutina hac in manu tua, dicam cum Isaia. Erige collapsam, protritam, sepultamque Ecclesiasticam libertatem: certa paratur tibi victoria: etenim nobiscum Deus. Nam verbum Christi est: Et Porta inferi non praeualebunt aduersus eam. \* Potius ut es in Ecclesia successor Petri: \* & in te promissiones \* ipsa facta perueniant, & firmentur, de te puta dictum illud Ezechielis: Dedi faciem tuam valentiorum facieb. corum, & frontem tuam duriorum frontibus eorum ecce dedi; posui faciem tuam, & petram durissimam, quod idem dictum est Hieremia. Posui te in columnam ferream, & murum aeneum. Sicque memor esto te in Ecclesia positum esse Petram, in qua omnes, qui te offendunt, confringentur, tu vero semper permanebis illaesus coniunctus Christo, qui pro te pugnabit, & vincet.



Sequitur Marsili Tractatus mendis simul Latinitatis & orthographiae pudendum in modum fordis, quem ad prototypum ipsius ea diligentia & fide exprimendum curauimus, ut & Lector Marsilianam insulicratom agnoscat, & Marsilius ne apicem quidem (quod est in prouerbio) subtractum aut immutatum conquirit possit.

EXCELLENTISSIMI D.  
IOANNIS MARSILII  
THEOLOGI NEAPOLITANI  
PRO SERENISSIMA REPVBLICA VENETA,  
DE ILLUSTRISSIMI CARDINALIS  
CAESARIS BARONII  
VOTO.

ALIUD VOTVM.



*Q*uod ad me misisti Votum antea legeram, atque, ut ingenue fat:ar, cuiusnam fuisset suspicari vix potui, agnoscebam styllum, sed ex ipso non audebam pandere nomen auctoris. Verum cum illud ab Illustriissimo Cardinali Baronio nuncupatum, atque prolatum fuisse serio & constanter confirmatum sit, suspensionem in summam admirationem conuer-ti, quod vir dignitate clarissimus, opinione celeberrimus, eruditione praestans ipsum conceperit, ac parenatico illo declararit, quod vix alius ausus esset, qui non fuisset tanta auctoritatis. Atque eo magis mea adaugetur admiratio, quod eius consilijs, ac votis videam illa incendia non timeri, cuius putassem adhortationibus atque auctoritate, si ab quouis alio succensa fuissent, ilico potuisse ac debuisse restingui. Quid dicami nescio, Horreo, atque obitupe-sco. Non tamen permittam licet mens parumper bareat, ut calamus retar-detur. Quod eo libentius efficiam, quia non solum arbitror hoc me vobis rem gratam, sed multo magis Christiana Reipublica vniversa vtilem esse fa-cturum, atque ut inde exordiar, vnde Cardinalis ipse sui voti sumit ini-tium.

Duplex, inquit, est Beatissime Pater ministerium Petri, Pascere, & Occidere.

In ipso vestibulo non parum offendo. Petri officium est pascere, non inficior, at quomodo sit occidere quis intelligat? cui dictum aliquando fuit, conuer-te gladium tuum in vaginam, quia zelo, sed non secundum scientiam illum eduxerat ut, ait S. Augustinus de Agone Christiano cap. 29. & S. Io. Chrys. in Matb. Quis deinde in animum inducat tuum, quo pacto duo illa ministeria copulentur: fouent Pastores ouilia, Lupi iugulant: Pastores custodiunt, Lupi perdunt: Pastores pascunt, Lupi occidunt, ipse tamen, Homo Pacis, Pastoris esse duplex ministerium pronuntiat: Pascere, & Occidere. Auditur a Petro Io. ult. trinum amoris testimonium, & trina nega-tioni redditur trina confessio, ne minus amoris lingua seruiat, quam timori,

cui amoris & caritatis, non discordia ministerium demandabat. Sed iam Sanctissimos Patres locum istum explicantes audiamus.

Glossa. † Ter dictum est Pascere, ad significandum, quod habentes eorum animarum debent subditos pascere pasu verbi Dei, & boni exempli, & prout possunt. etiam subsidio temporali. Sed illud, quod hic dicitur pascere, aliqui male mutant in tondere, quia multum student circa subditos exclusiones temporalium exercere, & de passu dicto triplici non curare.

S. Io. Chrysost. Homil. 8. perpende verba, pascere agnos meos, id est fideles meos, non tuos, non ut rem tuam, sed ut meam tracta, propterea petiui an me amares, quia rem meam tibi commendare volui, & a te tanquam meam tractari, quem amorem erga me profiteris, erga illos exerce, ipsisque exhibe, pascere autem non te, sicut illi faciebant Pastores, de quibus dicitur Ezechielis 34. Vae Pastoribus Israel, qui seipso pascebant. Ille se ipsum pascere dicitur, qui propriam utilitatem, gloriam & commodum, non ipsorum fidelium, quos gubernat, non Dei gloriam ex regimine quarit.

S. Augustinus tract. 132. in Io. Qui hos animo pascent ones, ut suas velint esse, non Christi, & conuincuntur amare, non Christum, vel gloriantur, vel dominandi, vel acquirendi cupiditate, non obediendi, non subueniendi, non Deo placendi caritate, contra hos igitur vigilas toties inculcata vox Christi, quos Apostolus gemit, sua querere, non qua Iesu Christi.

Et rursum. Sicut oues meas pascere, non sicut tuas, gloriam meam in eis quare, non tuam, lucra mea, non tua; Hoc idem docuit ipsemet Petrus prima Epist. cap. 5. Pascite inquit, qui in vobis est gregem, non coacte, sed spontaneae, neque turpis lucris gratia, sed voluntarie, neque dominantes in ceteris, sed forma facti gregis ex animo. Alios praelico, qui quoniam omnes eodem spiritu Dei afflati in eandem explicationem conueniunt, nihil attinet plura congerere, satis fuerit ante oculos posuisse, quae sit Christiani forma Pastoris, non solum a Christo Domino adumbrata, sed etiam a Sanctis. Doctoribus optimis coloribus, ac lineamentis expressa, quam quomodo ibi praefereant, qui quotidie pro rebus temporalibus bella succedunt, qui sua lucra, suum commodum, suam gloriam quarunt, haud intelligo. Tam ista pergit.

„ Cum vero non cum omnibus, & agnis negotium sit, sed cum leonibus & alijs animalibus refractarijs & aduersarijs agendum sit, Petrus iubetur eas occidere, obstitere scilicet pugnare & expugnare, ne tales sint panisui.

„ Ut autem hanc occisionem esse Excommunicationem putet, non solum adducitur scripturae loco Actuum, 10. Vbi dictum est Petro macta, & manduca. verum etiam verbis Nicolai V. Pontificis Maximi, qui excommunicationem dicit non esse ad occidendum venenum, sed ad sanandum aptissimum medicamentum.

Praelare, & nimis ingeniose, verum videamus num ad suam rem atque propositum: Voluit Deus per Angelum Petro ostendere non solum circumcisos esse baptizandos, ut male ipse sibi persuaserat, sed etiam qui erant ex praepotio & Gentiles, ex quibus erat Cornelius Centurio. Ut ergo illum ab errore remoueret, cumque mirabiliter ad baptizandum Cornelium adduceret, ei per visum, suae satisfactionis ostendit discum plenum omnibus anima-

libus, in quo illa, quæ erant Hebrais ad sacrificandum, & vescendum permissa, ac vetita viscebantur, atq; ei dictum est *Macla*, quod vocabulum est proprium sacrificiorum, quare alij vertunt immola & manduca, quanquã non nrgo, ab S. Augustino, & alijs sic legi, occide, & manduca, id est Gentiles, per Baptismum, ad Ecclesie corpus adiunge. Quæ interpretatio non solum cum Historia, cum verbis Petri consonat, sed est unanimis consensus SS. Patrum.

S. Augustinus concione secunda, in pag. 30. quos Dn. lucramur, manducat Ecclesia, cuius personã gerebat Petrus quãdo de Cœlo ei submissus est Lintheus plenus omnibus animalibus, in quibus gentes figurabantur, præfigurabat Dominus Ecclesiã, quod omnes gentes erat, scilicet per baptismum transuoratura, & in corpus suum conuersura, & ait Petro occide, & manduca. Occide quod sunt, & fac quod es.

S. Ambrosius in Epist. ad Vercellenf. Ecclesiam tom. 3. l. 10. Quid sibi vult scriptura, qua docent ieiunasse Petrum, & ieiunanti atq; ornati de baptizandi Gentibus reuelatum esse mysterium, nisi ut ostendat ipfos Sanctos cum ieiunant, tunc fieri præstantiores.

S. Hieron. in Tbrenos Hierem. cap. 3. Petro ostentis in figura Gentibus dictum est, *macla*, & *manduca*, id est vetustatem earum scilicet per baptismum contere, & in corpus Ecclesie ac sua membra conuertere.

S. Gregorius 30. moral. cap. 7. vel 11. Petro esuriienti, sed iam valenti ostensa per Lintheum gentilitate, quasi monstrata præda, dicitur *macla* scilicet per Baptismum, & *manduca*.

Venerabilis Beda: Animalia illa Gentes sunt in erroribus immunte, sed trina submissione id est mysterio Trinitatis in baptismo mundate, qua relictæ Horciniis imagine, Bestiarum, & Serpentium figuras sumserunt. Hæc Patres, atque adeo omnes sacra scriptura interpretes. Imo vero Cardinalis ipse meæ sententiæ optimus defensor oppugnator suæ, qui explicans visionem Petri tom. 1. Annalium Anno 41. nu. 6. sic inquit. Quid autem sibi voluerit cœlitus ostenta viso plane exitus declarauit, ita ut humana interpretatione non videatur indigere, nimirum eo mysterio Ecclesiam ex Gentibus colligendam esse significatum, quo loco per agnos dicit intelligendas gentes, quæ post oues, id est Iudeos conuersæ sunt, quorum etiam baptismus commissus fuit Petro, cum ei dictum fuit pascere agnos, pascere oues, ipse autem erat Petra, quæ debebat duos parietes coniungere Iudeorum, & Gentilium quo etiam loco citat Ambrosium, Augustinum, Cyrillum Aleccandrinum, Gregorium, atq; omnes Patres concludit in hæc fuisse sententiã, et locum occide, & manduca, de baptismo gentium interpretarentur, ubi ne verbum quidem de excommunicatione. Postea vero sui oblitus hunc ipsum locum suæ in suam rem adducendo, siue interpretando, quod pace tanti viri dictum sit, nibil mihi satisfaciunt. Primo quia nouam & penitus singularem interpretationem fabricatur, quod in Sacrosanctis Concilijs serio prohibetur.

Proferam verba Tridentini Sess. 4. c. 2. Decernit Sancta Synodus, ut

torquens contra eum sensum quem tenuit, & tenet Sancta Mater Ecclesia, cuius est iudicare de vero sensu, & interpretatione scripturarum Sanctarum, aut etiam contra unanimum consensum Patrum ipsam scripturam sacram interpretari audeat, etiam si eiusmodi interpretationes nullo unquam tempore edende forent; qui contrauenerint per ordinarios declarentur, & pœnis a iure statutis puniantur. At Illustissimus Cardinalis locum, qui est de baptismo, interpretatur de Excommunicatione, quod quantum sit a verosimili, ratione, ne dicam ab omnibus Sanctissimis Patribus alienum, facile percipi potest. Baptismus nullo modo Christianos, sed Paganos Gentiles, Hebraeos, atque illos, qui Christiani non sunt, mundat, ac lauat; Excommunicatione nullo modo in Gentiles, aut Paganos, aut Hebraeos ferri potest, sed tantum in Christianos grauissime peccantes, & in peccatis obstrictos, dum tamen speratur emendatio, quia est quaedam fraterna correctio. Sed audio ipsum interrogantem, cum dictum sit Petro macta, & manduca, quia nimirum Petrus ad baptizandum Cornelium Gentilem vocabatur, vel ut ait, S. Gregor. 18. moral. cap. 20. vel 22. quia Petrus est os Leana id est Ecclesia, quæ collectione Gentium dedita, nequaquam se ad illum Iudea Populum occupauit. Liceat hic mihi exclamando admirari, tanta ne fuit eruditissimo Cardinali locorum sacrae scripture ad suam confirmationem, sententiam mendicitas, ut nullum, nisi hinc inuenerit, contra unanimum consensum Patrum, & ut cum Concilio loquar, ad suum ipsius sensum plane consortium; ut, vel ex hoc, pateat sententia ipsius imbecillitas atque infirmitas. Adiungit præterea.

Leones, & animalia refractaria occidenda esse, id est, excommunicanda. Cur Leonum tantum meminerit vix intelligo; nam sunt animalia magis fera, & refractaria, rapaces nimirum volucres, Tygres, venenata serpentes; de Leonib. nihil tale reperio, nisi forte, quod eorum proprium sit, quod fuit etiam Romanorum. Parcere subiectis, & debellare superbos. Veniamus nunc ad probationem, quæ nihilominus, venia tãti viri dictum sit, ruit, atque ratio, quæ in ipsa fundatur.

Excommunicatio, inquit, est occisio, quia Nicolaus V. dicit esse, non occidendum venenum, non percipio illationem, nisi fallor, contrarium inferatur. Nicolaus dicit excommunicationem non esse ad occidendum venenum. Ergo excommunicatio non est occisio, quod si ita est, quomodo dictum est Petro, occide, & manduca. id est Excommunicationem infige. Ad Hæc. Perge igitur, inquit, Beatissime Pater, quod cœpisti, in quo non est qui te arguere possit nimie fistinationis.

Vt vero hanc, quam ipsi conflat rationem magis accendat atque inflammet, locum Pauli refert, qui scribens ad Corinthiorum Ecclesiam. In promptu, inquit, habentes vltis omni inobedientiam: Ad extremum concludit se spiritum exsultare quod videat in sua senectute sedere in Sede Petri alterum Gregorium septimum, atq; Alexandrum tertium, ambos ex Senensi Metropoli, unde Summus Pontifex Paulus originem ducit.

Pateat illos Pontifices fuisse unum Senensem, alterum ex Metropoli, sed hæc commemoratio causam potius infirmat, quam roborat. Neque video cur ei sit propterea exsultandum cum sit potius deplorandum ipsum tamdiu



vixisse, ut ei in mentem venerit tempora illorum Pontificum plane miserrimas, & calamitosissimas exoptare. Vtrum ad rem proprius accedamus. Concilium Tridentinum Sess. 25. ca. 1. de excommunicatione loquens audiamus.

Quamvis excommunicationis gladius neruus sit Ecclesiastica disciplina, & ad continendos in officio populos valde salutaris, sobrie tamen, magna; circumspeditione experientia docet, si temere, aut leuibus ex rebus incutiat, magis contemni, quam formidari, & perniciem potius parere, quam salutem. Idcirco sessione eadem cap. 20. Principes, Reges, Republicas, Imperatorem tantum admonet, sine strepitu, sine iniuriis, sine fulminibus, ut Ecclesiastici iuris protectores esse velint, ne qui illud impediant; Vide quam moderare, quanto cum honore cum Principibus agat, quos non excommunicatione ferit, quibus excommunicationem non minatur, sed tantum admonet ut venerentur Ecclesiastici ius, ut illud impediētes tamquam protectores coerceant. Cardinalis vero sine ulla causa Pontificem animat, ut Religiosissimam Rempublicam Christianam Religionis Propugnaculum, Catholicam ac Romanam sedis Basim, atq; firmiter ad arma Excommunicationis in Principē inferenda peruolet, a quibus tres Summi Pontifices, Paulus, Iulius, & Pius Concilium vniuersum post 18. annorum discussionem, verbis, atque exemplo abstinentum esse significauerunt. Si hac non fuit festinatio, quæ tandem illa erit? Illud etiam me non parum commouet, quod ad eiusmodi festinationem excusandam Paulum citat, apud quem est. In promptu habentes ulcisci omnem inobedientiam. Quid est in promptu habere, nisi potestatem habere? Cardinalis vero actum, ac potestatem confundit, ac potestatem habere non est statim ad actum deuotum; etiam Principes seculares potestatem gladij in promptu habent, non tamen ex eo fit ut sine causa illa utantur. Sed non patiar quinquam ex hoc Pauli loco, qui allatus est, tam cito emergere. Attendamus itaque Paulum ad ipsos Corinthios scribentem; Prædico bis, qui peccauerunt, quoniam si venero iterum non parcam, absens dico, ne presens diutius agam, secundum potestatem, quæ data est mihi a Domino in edificationem, non in destructionem. Hic est Paulus quem Cardinalis citat. Et primo quidem ei erat negotium cum peccantibus maximo peccato, hoc est infidelitatis. Deinde ait, se nihil in absentia acturum. Postremo affirmat se usurum potestate non ad destructionem, sed ad edificationem. Si Paulus Apostolus Pontifex in his omnibus imitatus fuisset, certe a nemine argui festinationis posset. At quodnam tandem est peccatum eorum, in quorum occisionem, id est, excommunicationem Cardinalis Pontificem exacuit? omnino nullum: libertatem, quæ hactenus usi sunt in suo dominatu, Ecclesiastici Concilij Tridentini monitis parentes, tanquam protectores custodiunt, quam nunquam habuerunt, quamq; eos habere neq; æquum est, neq; conducit ipsi Republicæ non usurpant. Atqui multi tenent immunitatem esse de iure Diuino, nihil mea interest. Nam multatiam tenent, & quidem firmiter rationibus esse de iure humano, quorum Catholicam Opinionem quia sequitur Christianissimæ Republicæ excommunicatur? certe qui hoc facit, potestate non utitur in illos qui peccauerunt, sed in illos qui peccatum nullum habent. Deinde Paulus Pontifex absens molitus est spicula, hoc est falsis quorundam suspicionibus ac relationibus inductus, quod sit presens, & coram Religionem singularem, Pietatem insensum exanimissimæ Republicæ quid sit causa non daretur. In illius institutione, autem

in eius manu Cardinalis collocat, nunquam in tam impeditum Labyrinthum ipso eodem fortasse Duce se immisisset. Denique ad quam adificationem Ecclesia, usus sit potestate, non facile intueor. Vniuersus orbis terrarum, veritate iam perspecta, metuit ne ex his subitis motibus Summa quaedam Destructio existat, eum tamen nemo sit, qui vel longissime perspiciaat ullam adificationem. Ad hac Paulus minatus est Populo illi, quia agebatur de toto asse, hoc est de fide, nec tamen potest tonitrua intorsit fulmina, ac nunc, pro leuissima suspitione, & omnino sine ulla causa prius, ut ita dicam, iacta sunt fulmina, quam visa sint coruscationes, aut sint audita tonitrua. Certe ex ore alicuius spiritus procellarum. Sane utendum fuit non subita seueritate, qua nihil prodest, sed suauitate, qua nouimus etiam refractaria animalia, ut ipsius verbis utar, sapissime cecurriri. Huius suauitatis meminit Concilium Tridentinum Sess. vltima in fine ubi ait, se confidere, si aliqua difficultates de nouo in prouincijs circa obseruationem Concilij oboriantur, Summum Pontificem curaturum, ut vel hominibus ad illas superandas ex prouincijs conuocatis, vel etiam generali Concilio, vel alio meliore modo prouinciarum necessitatibus, pro Dei Gloria, & Ecclesie tranquillitate consulatur. Veniamus tandem ad Gregorium 7. & Alexandrum 3. expectabam ut Cardinalis locum proxime citatum ex Concilio, Pontifici proposuisset, aut eorum Pontificum exempla imitanda, quorum fuit iustractandis negotijs summa dexteritas, qui pacifice, & feliciter Christianam Rempublicam tanquam Christi Vicarij gubernarunt. Quis credat? Gregorij, & Alexandri cupit renouari calamitates, vulnera refricari. Tadet me illorum Pontificum Historias recensere, legant que dicam in vitis ipsorum, ac precipue in Platina. Omitto aliam fuisse causam Henrici & Friderici, qui Simoniaci, ne quid peius dicam habiti sunt: aliam esse causam Serenissime Reipublica Veneta, qua si unquam Catholica fuit, ut reuera semper fuit a suo exortu, nunc precipue est religiosa ac pia, tantum quero quid consecutus est Gregorius post tot tumultus, qui ex eius in Henrici Anathemate excitati sunt post tot scismata in Romanam Ecclesiam, post tot excidia, quibus Italia vniuersa interijt. Ipse tandem Guiscardo Calabria Duce quem amicum habuit, ac protectorem, qui nibilo erat melior, quam Henricus, imo fortasse peior ab Urbe Roma, quam Guiscardi milites populati fuerat, cuius templum profanauerant, Salernum concessit, ubi exsul, ac profugus macie, ac dolore confectus tandem interijt. At Henricus filius cum Paschali 2. in gratiam rediens, non solum ab Anathemate se absolui non est passus, sed omnia qua Imperator fecerat, rata habuit, tandem splendidissime coronatur. Dicat queso Cardinalis quis vicit? Gregorinidam Henricus, si cunctis vindicatur libertas Ecclesiastica si hoc est vincere, quid erit perdere si immunitas sic restituitur, quomodo labefactatur?

De Alexandro 3. quid commemorem? tandem aliquando Roma pulsus Venetias appulit, ubi ne priuatam vitam ageret Venetum Religio non permisit. Illi agnito omnia Summi Pontificis ornamenta publicis impensis addita atque restituta, deinde agi ceptum est de pace Italiae restituenda quam illi Alexander suis excommunicationibus, a seuerat, denique perfecta res est Ducis Venetiarum celeberrima Victoria, qua Imperatorem Fridericum ad osculandos Pontificis pedes aiegit, atque ad tollendas discordias. Quis vicit Alexander, an Dux Venetiarum Sebastianus Zianus? Nihil est tunc Alexandro de Ecclesiastica  
liber.

libertate restitutum: pedum oscula, quæ Fridericus ei ante diffidiam non negaverat tantum extorsit. Si hoc tantum consecutus esset Pontifex Paulus, Cardinali Baronio hortatore, atque ducem, quod Gregorius & Alexander consecuti sunt, quid attinet tantâ spangere semina perturbationis tanta incendia præparare? Hoc est melius votum, ut ab ipso Cardinali admoneatur, ut illorum Pontificum exemplis ab incepto se remoueat, & quod ipsius hortatu nimia festinatione commisit, quam citissime detestetur, corrigat, & emendet. Hoc si fecerit non dubitum est, quin ei daturus sit Deus faciem duriorē faciebus, & frontem duriorē frontibus infidelium, de quibus Propheta loquitur, nimirum quia erit murus æneus, & Columna ferrea fundata etiam in armis atque presidij, Christianissimi Principis Venetiarum.

Tandem, ut hoc meum votum, non meo, sed ipsiusmet Cardinalis Baronij signo communiam, quo maior illi ab omnibus adhibeatur fides, velim memoria repetas, quæ in tomo X. Annalium anno 878. partim ab ipso narrata, partim ex propria sententia pronuntiata leguntur. S. Ignatius Patriarcha Constantinopolitanus Ioanne VIII. Summo Pontifice, post trinum monitorium, Mense Aprilis, censuris percussus, suspensus, & Patriarchatus, ac Summi Sacerdotij dignitate priuatus fuit, nisi suos Episcopos, & Sacerdotes a regione Bulgarorum intra triginta dies reuocasset, quamquam diceret, ad suam iurisdictionem pertinere illam Provinciam: tandem mortuus est in hac sua opinione, neque unquam Pontificis sententiam observauit; post mortem vero, tot miraculis claruit, ut sit in sanctorum numerum relatus, eiusque dies festus, celebretur tam à Græcis, quam Romana Ecclesia die 23. Octobris, qua mortuus est: huius Sanctissimi viri factum sic Cardinalis excusat.

De ipsius S. Ignatii obitu, ex eodem auctore Niceta acturis, & ille amovendus est scrupulus, quo offendi quisque, facile poterit, qui audierit superius recitatam Ioannis Papæ Epistolam, qua nimirum ipsum Ignatium nimis perstringit, & a communione catholica segregat, nisi intra triginta dierum spacium, reuocet ab se ordinatos Episcopos Bulgarie: quamvis, autem ab Ignacio ista minime impleta inueniantur, constat tamen eundem semper usque, ad obitum in Catholica Romana Ecclesia communione fuisse retentum, quod eiusdem Ioan. Epistola ad diuersos, date post Ignatii obitum docet, ut id de his nulla penitus dubitatio oriri possit. Vi autem probet fieri potuisse, ut post elapsum tempus Monitorij cum in sua sententia tamē Ignatius perseveraret, & iuras non interrerit, constat eum non occidisse, neque quia tempus non fuit elapsum ait non incurrisse, sed hæc addibet excusationē.

Neque est quod quis ob litē hanc Ignatium fuisse animo in Apostolicā Sedē in senso existimet, vel ingrato, cum quæ iuris essent suæ Ecclesiæ defendere iuramento teneretur obstrictus, etiā æternæ vitæ dispendio. Non enim aliena retinere, sed sua possidere, ex possessione prædecessorū ipse iussu putauit, cui, baud dubium, sponte cessisset, si id facere sibi licuisse credidisset. Probatur vas igne erat, excoctumque; fornace omni rubigine caris. Hæc Cardinalis: Hadrianus Pontifex, & Ioannes Ignatium, quod temerario calcaneo suā iurisdictionē occupasset, atque adeo surripuisset, monent, & censuris feruit: Cardinalis Baronius in ejus iuras cum non incurrisset assertit, quod non aliena retineret, sed sua ex prædecessorū possessione possideret. An non hæc est causa Sereniss. Principis Venetiarum, & o multo iustior, nā tunc de Ecclesiæ iusticiæ iurisdictione inter duos Pontifices, & Leonatium decretatū est, in

Hic agitur de iurisdictione Principis secularis, quam ipse Princeps obstrictus iuramento tenetur omnibus modis defendere. Quod si Cardinalis ob hanc causam negat Ignatium censuram iam illatam incurrisse, cur hortatur Summum Pontificem Paulum, ut eandem ob causam Serenissimam Rempublicam Anathemate feriatis oportet Iudices semper suis similes esse? & pro veritate constantissime depugnare? sed te interrogantem audio, quamnam censura Ioannes Papa Ignatium illigat in Episcopate excommunicatione, nisi fallor: nam eum priuat corpore, & sanguine Domini, id est communione fidelium illius Ecclesie; excommunicare autem est communione priuare; deinde ait Ioannes, Episcopos ab Ignatio missos iam esse excommunicatos, quod nimirum in alienam messim irruerant. Ignatium igitur etiam excommunicauit, quod eos non reuocauit. Ioannes etiam IX. Pontifex ait, Ignatium ab Ioanne VIII. propter hanc causam anathemate fuisse percussum, ut testatur idem Baronius anno 880. n. 11. & 12. Postremo Cardinalis ipse fatetur, a Ioanne fuisse Ignatium a Catholica communione segregatum, quod quid est aliud, quam excommunicatum ab eo fuisse? Verum si quis contenderet eum suspensum, non excommunicatum fuisse, quod falsum est, tamen 1. dicendum est id esse contra verba monitory, nã ait corpore, & sanguine Domini priuatus esto, si esset suspensio dixisset ministerio corporis, & sanguinis Domini priuatus esto, non corpore & sanguine Domini. 2. nostram rationem eundem habere vigorem, nam ipse censuram, atq; adeo Summi Pontificis sententiam non seruauit, quia sine dubio nullam putauit, propter eam, quam Cardinalis assert rationem, quia sua possidere, ex possessione predecessorum ipse iustum putauit. Neq; est quod quis patet hanc sententiam fuisse excommunicationem minorem, nam excommunicatio minor est ex leuissima causa, & non infligitur directe, & ab homine, sed consequenter, & a iure: at causa Ignatii erat grauissima, ut patet ex verbis Epist. Ioannis Papæ, & infligitur ab homine cum alijs summis pœnis. Iam vero sic possunt quæ Cardinalis dicit, quamuis pugnantia videantur, apte congruere, cum a Communione Catholica fuisse a Pontifice segregatum, & tamen in Communione Romanæ Ecclesiæ, post obitum cum miraculis claruit, a Pontifice fuisse retentum; segregatus quidē per sententiam fuit, sed nihilominus fuit retentus, quia nulla fuit ipsa sententia, quam propterea non seruauit, quia suā iurisdictionē putauit, non sine magno peccato occupanti posse derelinquere. Quare Illustriss. Cardinali nouum non erit, si ex ipsius sententia Serenissima Respub. putet, se in Catholica Ecclesia communione retineri, cum tamen censuras, a Summo Pontifice Paulo, tanquā nullas, non obseruet, id enim efficit, ut sua, ex possessione predecessorum possideat, cui est iuramento obstricta, nec potest aliter facere, aut permittere sine æternæ vitæ dispendio. Ex his facile, non solum ipsi Cardinali, sed omnibus constare poterit, quam fuerit eius votum, non solum a ratione, verum etiam ab ipsiusmet voto alias in suis annalibus declarato, alienum.

Hæc habui, quæ de hoc voto in promptu dicerem. Quod esse ipsius Dn. Cardinalis nemo est, qui dubitet, tum ipsius confessione, cum alijs firmissimis argumentis, cui non dissimilis est nunc primū, typis mandata Parenæsis ad Rempubl. Venetam, quæ quoniam nihilominus est aculeata, atq; adeo acrioribus stimulis obarmata, mihi quoq; Deo bene iuuante Clypeus fabricandus erit, quo illa non solum recidant, ac retundantur, sed quoad eius fieri poterit, in suum reuertantur autorem. Dixi.